

說木部以之故曰櫚龜目酒尊以爲天子以玉諸侯大夫以金士以梓者韓詩說五經異義及玉部從之瑠即詩之疊木部之櫚也說文並收瑠櫚益足爲瑯酬兩義互證之據明堂位爵用玉琖仍雕說文無琖字酉部醖爵也明乎琖之爲醖則瑯之爲瑯爵審矣

東籬中正序

東籬中正一卷吳許舍人先德鳧舟贈君所著也君中年卜居池上村藝菊數畝擇細葉二十七種異域種一十三種爲之評贊其友沈欽韓爲池上菊賦張之與明屠承燧東籬集並附卷末自劉蒙譜菊以後世盛稱史志道范致能二譜史范際宋南渡之世所載種卉專志一隅苦於偏狹然至是藝菊之術尚於江南國初陸